



Publicaziuns dalla vischnaunca, jamna 5

Resultats dalla votaziun ed elecziun cantunala, dall'elecziun regiunala e dalla votaziun communal dil 29 da schaner 2012

Diember dils votants: 1605
Participaziun alla votaziun: 23%

Iniziativa dil pievel «encunter birocrazia e reglamentaziuns nunnecessarias»

Dau giu cedels: 365
Cedels vits: 2
Cedels nunvaleivels: 4
Total cedels vits e nunvaleivels: 6
Cedels valeivels: 359

Gie: 331 92%
Na: 28 8%

Elecziun cantunala *Cusseglia governativ*

Dau giu cedels: 295
Cedels vits: 111
Cedels nunvaleivels: 9
Total cedels vits e nunvaleivels: 120
Cedels valeivels: 175
Total vuschs da candidats (valeivlas): 175

Vuschs han obteniu:

Christian Rathgeb: 166
Ulteriurs: 9

Elecziun regiunala

Diember dils votants: 1580
Participaziun alla votaziun: 17,7%

Secund scrutini parlament regiunal

Dau giu cedels: 279
Cedels vits: 111
Cedels nunvaleivels: 9
Total cedels vits e nunvaleivels: 120
Cedels valeivels: 159
Total vuschs da candidats (valeivlas): 159

Vuschs han obteniu:

Berther Pancrazi: 110
Müller Roman: 10
Stammwitz Timo: 20
Ulteriurs: 19



Votaziun communal

Diember dils votants: 1580
Participaziun alla votaziun: 22,7%

Revisiun parziala dalla planisaziun locala – Oвра Russein

Dau giu cedels: 358
Cedels vits: 0
Cedels nunvaleivels: 4
Total cedels vits e nunvaleivels: 4
Cedels valeivels: 354

Gie 323 91%
Na 31 9%

Disentis/Mustér, ils 29-1-2012

Il biro electoral:
La presidenta: Madlen Deflorin-Spescha
Igl actuar: Romeo Schmed

Mustér approbescha la midada dil plan da Barcuns

La cumionza dils votants dalla vischnaunca da Mustér ha approbau la dumengia vargada cun 323 encunter 31 vuschs ina revisiun parziala dalla planisaziun locala. Quella pertucca ina adattaziun dil plan da zonas, d'avertura e da formaziun Barcuns, necessaria per realisar l'Oвра Russein. Il president communal, Dumeni Columberg, ei fetg satisfatgs da quei excellent **resultat (91% gie)**. Quel atesta danovamein, ch'il project anfla gronda accoglientscha tier la populaziun.

Ils 13 da fevrer 2011 aveva il pievel approbau il project cun ina majoritad imposanta da 93%, numnadamein il retuorn a tschep avon temps e l'indemnisaziun persuerter; la nova concessiun pil dretg dallas auas al consorzi da studi Russein e la participaziun dalla vischnaunca alla nova societad Oвра electrica Russein SA.

Ils 24 da schaner 2012 ha la Regenza dau la concessiun, aschia ch'ins quenta saver entscheiver cun las lavurs la primavera 2013, che duessen esser finidas la stad 2015.

El futur ein las vischnauncas da Mustér e Sumvitg participadas alla Oвра electrica Russein SA cun mintgamai 15%. Cheutras han ellas era il dretg alla producziun d'energia ella medema proporziun. La participaziun alla societad vegn finanziada entras l'indemnisaziun unica pil retuorn a tschep da rodund tschun milliuns francs per mintga vischnaunca. El futur san ellas quintar cun in tscheins d'aua annual da rodund frs. 250 000.– (visavi ina pauschala actuala da frs. 73 000. –). Plinavon recaltgeschan las vischnauncas ord la vendita dall'energia in recav annual da rodund frs. 110 000.–.

L'ovra Russein ei pia aschibein per la vischnaunca da Mustér sco da Sumvitg in bien agid per migliorar las finanzas communalas e nezegiar las atgnas resursas.

Suprastonza communal

Vischnaunca Disentis/Mustér: Revisiun parziala dalla planisaziun locala (Barcuns) **Exposiziun da recuors**

En applicaziun d'art. 48 alinea 4 dalla lescha davart la planisaziun dil territori pil cantun Grischun (LPTGR) ha liug l'exposiziun da recuors pertuccont la revisiun parziala dalla planisaziun locala dalla vischnaunca da Disentis/Mustér, ch'ei vegnida approbada ils 29 da schaner 2012 dalla cumionza dils votants.



Object dalla revisiun parziala: Barcuns

Acts da publicaziun:

- Plan da zonas e plan general da formaziun 1:5000
- Midada plan general d'avertura 1:5000
- Rapport da planisaziun

Termin da publicaziun: 30 dis (naven dils 3 da fevrer entochen ils 5 da mars 2012)

Liug da publicaziun: Casa communal Disentis/Mustér

Duront las uras da spurtegi: Mintgamai gliendisdis entochen venderdis, tel. 081 920 36 36 (s'annunziar al spurtegi)

Recuors da planisaziun: Persunas che han in agen interess, digns da vegnir protegius ni ch'ein legitimadas leutier tenor dretg federal, san inoltrar alla Regenza grischuna enteifer 30 dis dapi il datum da publicaziun a scret in recuors da planisaziun.

Organisaziuns digl ambient: Organisaziuns digl ambient exerciteschan lur dretg da recuors tenor art. 104, alinea 2 dalla lescha cantunala davart la planisaziun dil territori, q.v.d. ellas s'annunzian enteifer il temps da recuors tier igl uffeci cantunal pil svilup dil territori ed inoltreschan silsunter in'eventuala posiziun.

Disentis/Must.r, ils 31-1-2012

Suprastonza communal Disentis/Mustér

Sera d'informaziun publica: Invit

Mesjamna, ils 15 da fevrer 2012 allas 20.15 ha liug en halla Cons ina orientaziun publica davart las votaziuns communalas dils 11 da mars 2012. Las votantas ed ils votants vegnan informai sur dalla decisiun da principi davart ina meglieraziun funsila sco era sur dalla revisiun parziala dalla planisaziun locala. Alla fin vegn dau la pusseivladad da tschentiar damondas.

Il messadi per la votaziun dil pievel ei publica sin la pagina d'internet www.disentis.ch – Servis – Documents.

A tuts interessai in cordial beinvegni a quell'occurrenza en favur d'in prospereivel avegnir da nossa vischnaunca.

Suprastonza communal

Appel a cavaladers e cavalcadras

Il davos temps ha la vischnaunca stuiu prender encunter repetidamein reclamaziuns davart conflicts denter spassegiaders e cavaladers. Ei exista buca in scamond da far diever dallas sendas cun cavals. Tuttina stuein nus appellar alla bunaveglia da cavaladers e cavalcadras da conceder als pedunzs sin las sendas, che vegnan preparadas per quei intent, la preferenza.

La suprastonza communal deplorass, sch'ella stuess per motivs da munconza da capientscha relaschar per las sendas da spassegiarin scamond da cavalcar. Nus supplichein cavaladers e cavalcadras d'untgir las sendas ni da prender il duiv risguard.

Bien engraziament per la capientscha.

Uffeci da baghegiar



Nova senda da spassegiar a Salaplauna

Las bialas relaziuns d'unviern han lubiu d'ereger uonn a Salaplauna ina senda da spassegiar sin la neiv. La senda signalisada entscheiva sut la stalla e meina parallel cun la loipa da cuorsaliunga entuorn Salaplauna. Ella vegn mantenida aschiditg che las relaziuns da neiv lubeschan ei.

Nezegei stediemen quella nova purschida e gudi la biala vesta sil vitg da Mustér.

Uffeci da baghegiar

Purschida gratuita

La vischnaunca da Mustér porscha a ses habitonts la pussevkladad da visitar gratuitamein la Casa da traffic a Lucerna, www.verkehrshaus.ch. Al spurtegl dall'administraziun communal sa per mintga di digl onn vegnir retratg 5 entradas gratuitas.

En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reduzioni)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiari cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (telefon 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.

Suprastonza communal

Post d'integraziun – Ura d'audiencia

Il mandatari d'integraziun dalla vischnaunca da Mustér, Francis Etique, stat **mintga gievgia naven dallas 17.00–18.00** a disposiziun en casa communal, stanza 24 (2. alzada) per tuttas damondas che pertuccan l'integraziun.

Nezegei l'ura d'audiencia e fagei era attents persunas directamein pertuccadas da quella purschida.

Administraziun communal Disentis/Mustér

Controlla da habitonts Mortori

Johanna Manetsch-Maissen, naschida ils 4-1-1926, morta ils 25-1-2012.

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitonts e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donn cun mintga minuta spiarsa pli gronds.



Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch.

Engraziel per Vies sustegn!
Vos pumpiers Sursassiala

Benediktiner-Kloster Disentis
Öffentliche Referate mit Diskussion

Mittwoch, 8. Februar 2012, 20.15 Uhr
im Peter-Kaiser-Saal

Stiftung Convivenza Zürich

Internationales Kulturforum Disentis/Mustér
Disentiser Klosterforum

Die christliche Botschaft, Toleranz und Menschenrechte

Jean-Daniel Gerber, ehem. Leiter der Seco, Bern
Dr. h.c. Giusep Nay, alt Bundesrichter, Valbella

Moderation:

Romedi Arquint, Vizepräsident Convivenza

Uniun da dunnas Mustér
Tura cun calzera da neiv (gianellas)

Datum: Dumengia, ils 5 da fevver 2012

Menadra: Durschei Marta

Serimnar: 8.00 alla staziun da Mustér

Informaziuns detagliadas ed annunziadas prendan bugen encunter **tochen ils 3-2-2012:**

Marta Durschei, tel. 081 947 48 08
e-mail: mdurschei@gmx.ch

Sigrid Loretz, tel. 081 947 40 29
e-mail: sigrid_loretz@hotmail.com

Preavis: Cabaretist Rolf Schmid en halla Cons a Mustér

Mesjamna, ils 4 d'avrel 2012 se presenta il cabaretist grischun Rolf Schmid cun siu program
Absolut Rolf allas 20.00 en halla Cons.

Nus supplichein da prender enconuschientscha dil termin.

Prevendita da bigliets: Sedrun Mustér Turissem.



Uniun da gymnastica UGM
Invit alla radunonza generala

Venderdis, ils 10 da fevrer allas 19.30 el hotel Alpsu.

Cordialmein envida la suprastonza

Uniun samaritana Mustér

Nies εμπrem exercezi meinsil digl onn niev ha liug:

Gliendisdis, ils 13 da fevrer 2012 allas 19.30
en casa da scola, Cons.

Selegrond ad ina stedia participaziun envida la presidenta

Film «En miu cor»

Siehe/mira sut Cadi!

Uniun da dunnas Medel
Degustaziun da vin

Mira sut Medel/Lucmagn!

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Naven dils 26 da december 2011 entochen ils 6 da schaner 2012, pia duront las vacancas da Nadal e Daniev, resta la ludoteca Must.r serrada. Naven dils 9 da schaner 2012 ei il team dalla ludoteca puspei cheu per Vus.

Nus engraziein per Vossa capientscha.

Il team dalla ludoteca Mustér giavischa bialas e ruasseivlas fiastas da Nadal e pigl onn niev tut bien.

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.



La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér